



**DET KONGELEGE
KOMMUNAL- OG REGIONALDEPARTEMENT**

KOPI

Sykylven Næringsutvikling AS
Postboks 190

6230 SYKKYLVEN

Dykkar ref

Vår ref

Dato

11/1315-26 KRT

25 OKT 2011

**Statsbudsjettet 2011 - Kap. 552, post 72 Nasjonale tiltak for regional utvikling
- Tilsegn om tilskot på inntil 200 000 kroner til Sykylven næringsutvikling
AS, Skaparglede - Bulyst 2011**

Tilsegmentsnummer: 11203022

Vi viser til:

- Utlysing av bulystmidlar på www.regjeringen.no/bolyst
- Søknad frå Sykylven Næringsutvikling AS, sendt frå Møre og Romsdal fylkeskommune 16. mai 2011

Kommunal- og regionaldepartementet (KRD) gir med dette tilskot på inntil 200 000 kroner til eit forprosjekt i regi av Sykylven næringsutvikling AS i 2011. Departementet meiner at prosjektet Skaparglede er spanande, men at det er trong for ei avgrensing av det vidare arbeidet. Eit prosjekt av denne storleiken treng ei nøyre vurdering og vel gjennomarbeida prosjektplan før igangsetjing. Årets tildeling er gjeven for at prosjekteigarar kan arbeide vidare med å spisse ideane frå søknaden, for ev. å söke om ytterlegare støtte gjennom bulyst i 2012.

Departementet ser fylkeskommunen som ein heilt sentral nettverksbyggar og regional tilretteleggjar for lokale prosjekt. I tillegg har Kompetansesenteret for distriktsutvikling (Distriktscenteret) ei sentral rolle i arbeidet med bulyst, både når det gjeld kunnskapsbygging og formidling. Prosjektansvarleg bør bruke www.distriktscenteret.no. Det er ein viktig portal for å finne erfarings- og forskingsbasert kunnskap frå andre satsingar og prosjekt. Vi meiner Sykylven næringsutvikling AS bør involvere både fylkeskommunen og Distriktscenteret i forprosjektet.

Målet med bulystsatsinga

Målet med satsinga på bulyst er å vidareutvikle kunnskap om korleis lokale og regionale utviklingsprosjekt skapar bulyst og attraktive stader. Dei 44 prosjekta som er valde har ulik innretting, ulike tema og stor geografisk spreiing. Dette viser breidda og variasjonen knytt til omgrepene bulyst. Vi er opptekne av at bulystsatsinga skapar lærings, merksemd og engasjement rundt lokalt og regionalt utviklingsarbeid.

Vi gjer dykk spesielt merksame på at Norsk senter for bygdeforskning har utarbeidd ein rettleiar i lokal samfunnsutvikling. Rettleiaren er utarbeidd som ein del av følgjeevalueringa av den nasjonale småsamfunnssatsinga, som blei gjennomført av KRD i perioden 2006-2009. Rettleiaren kan lastast ned via følgjande lenke, <http://www.regjeringen.no/upload/KRD/LUK/Fagstoff/Veilederilokalsamfunnsutvikling.pdf>. Vi håper at rettleiaren kan kome til nytte i dykkar vidare arbeid, og papirutgåva er difor òg lagt ved dette brevet.

Mål for prosjektet

Prosjektet Skaparglede skal etablere Sykkylven som kommunen for skaparglede. Identitet og omdømme skal byggje opp under dette, slik at Sykkylven blir sett på som eit attraktivt lokalsamfunn for dei med skaparglede. Gjennom prosjektet ønskjer Sykkylven mellom anna å oppnå at næringslivet tiltrekk seg kompetanse med skaparglede som kan vidareutvikle verksemndene. Prosjektet legg også vekt på at folk frå Sykkylven kan vere stolte av lokalsamfunnet og at born og unge blir medvitne om skapargleda i Sykkylven.

I det vidare arbeidet med prosjektutviklinga bør strategiane og tiltaka gjerast meir konkrete og tydelege.

Kostnadsoverslag

Det er sendt inn ein søknad med eit totalbudsjett 10 100 000 kroner. KRD gjev tilskot til eit forprosjekt på inntil 200 000 kroner over kap. 552, post 72 i 2011. Forprosjektet må vere i samsvar med reglane for bagatellmessig støtte (sjå avsnittet nedanfor om forholdet til EØS-regelverk).

Vi gjer merksam på at midlar over kap 552.72 ikkje kan nyttast til investeringar i bygningar eller anna fysisk infrastruktur. Tilskotet skal som hovudregel ikkje nyttast til investeringar i utstyr. Unntaket er mindre investeringar som er avgjerande for gjennomføringa av aktiviteten. Tilskot til utstyr skal normalt ikkje overstige 10 pst. av prosjektkostnadane. Sjå retningslinjer for posten på www.regjeringen.no/krd/retningslinjer.

Forholdet til EØS-regelverk

Tildelinga av støtte skjer i samsvar med reglane for bagatellmessig støtte, jf Kommisjonsforordning (EF) nr 1998/2006 av 15.12.2006 om anvendelse av EF-traktatens artikkel 87 og 88 på bagatellmessig støtte, publisert i den Europeiske Unions

tidende 28.12.2006 nr L 379. I følgje desse reglane kan tilskotsmottakar ikkje ta imot meir enn til saman 200 000 euro (om lag 1,6 mill. kroner) over eit tidsrom på tre rekneskapsår. Tilbodet om støtte frå KRD føreset at ein ikkje kjem i konflikt med nemnde reglar. Før støtta kan utbetalast må tilskotsmottakar stadfeste, skriftleg eller elektronisk, anten at det ikkje er motteke tilbod om anna bagatellmessig støtte i inneverande og dei to føregåande rekneskapsår, eller i tilfelle slik støtte er motteke, størrelse på beløpet, støttekjelde og tilbodstidspunkt. Ved eventuelle nye søknadar om offentleg støtte, uansett støttekjelde, har tilskotsmottakar plikt til å opplyse om denne støtta. Opplysningsplikta gjeld i tre rekneskapsår frå tilbodstidspunktet.

Vilkår for utbetaling av midlar:

1. Sykkylven Næringsutvikling AS må innan 20. november 2011 stadfeste overfor departementet at det er aktuelt å gjennomføre forprosjektet, og at tilskottet vert motteke på vilkåra i dette brevet. Tilbakemeldinga til departementet må òg innehalde opplysningar om kva kontonummer pengane skal overførast til.
2. Tilbodet om støtte frå KRD føreset at ein ikkje kjem i konflikt med reglane for bagatellmessig støtte. Før støtta kan utbetalast må tilskotsmottakar stadfeste, skriftleg eller elektronisk, anten at det ikkje er motteke tilbod om anna bagatellmessig støtte i inneverande og dei to føregåande rekneskapsår, eller i tilfelle slik støtte er motteke, størrelse på beløpet, støttekjelde og tilbodstidspunkt. Ved eventuelle nye søknadar om offentleg støtte, uansett støttekjelde, har tilskotsmottakar plikt til å opplyse om denne støtta. Opplysningsplikta gjeld i tre rekneskapsår frå tilbodstidspunktet.
3. Det skal førast spesifisert rekneskap for arbeidet. Rekneskapen skal settast opp slik at utgiftene kan samanliknast med kostnadsoverslaget som ligg til grunn for tilskottet. Dersom arbeidet ikkje blir utført i omfanget de har skildra i søknaden, eller til dei kostnader de har gitt opp i søknaden, vil departementet redusere tilskotet tilsvarende. Tilskotsmidlar som departementet har utbetalat kan òg bli kravd tilbakebetalt, heilt eller delvis. Rekneskapsmaterialet skal oppbevarast i 10 år.
4. Riksrevisjonen, Kommunal- og regionaldepartementet eller dei departementet gir mynde, kan krevje informasjon frå tilskotsmottakar og sette i verk kontroll med at midlane vert nytta etter føresetnadene. Dette er i samsvar med Løyvingsreglementets § 10 og Lov om Riksrevisjonen § 12. Tilskotsmottakarar har plikt til å gje opp dei opplysningane som Riksrevisjonen, departementet eller andre som departementet har delegert kontrollmynde til, forlangar.

Utbetaling

For å få midlar må prosjekteigar be KRD om å gjere ei utbetaling (utbetalingsoppmoding).

Utbetalinga blir som hovudregel gjort i tre omgangar.

1. Departementet *kan* utbetale inntil 25 pst. av tilskottet når prosjekteigar har akseptert vilkåra i dette brevet, og arbeidet har starta opp (førehandsutbetaling).
2. Når departementet har motteke dokumentasjon av faktiske utgifter, vert inntil 50 pst. av det samla tilskottet utbetalta (etterskotsutbetaling). Dokumentasjon av utgifter bør følgje den årlege rapporteringa.
3. Den siste delen av tilskotet skal utbetalast når prosjektaktiviteten er fullført, og sluttrapport og eventuell revisorstadfesta rekneskap (sjå punkt 5) er sendt inn (etterskotsutbetaling).
4. Alle prosjekt skal levere sluttrapport og prosjektrekneskap.
5. I tillegg skal revisorstadfestande rekneskap leverast av:
 - a) Private tilskottsmottakarar som tek imot meir enn 100 000 kroner, jf. RS 800 Revisors uttale ved revisjonsoppdrag med spesielle føremål.
 - b) Offentlege tilskottsmottakarar som tek imot meir enn 400 000 kroner, jf. RS 800 Revisor sine uttaler ved revisjonsoppdrag med spesielle føremål.
6. Tilskotet er gyldig i tilsagnsåret, og dei to påfylgjande åra. Prosjektet må vere avslutta slik at siste utbetaling frå departementet kan gjerast seinast innan utgangen av 2013. Utbetalingsoppmoding må sendast til departementet innan 1. desember 2013.
7. Prosjekteigar har ansvar på vegne av prosjektdeltakarane. Dette gjeld òg det finansielle ansvaret.

Ved kontakt med departementet om utbetaling må tilsegnnummeret som står øvst i dette brevet nytta. Ved utbetaling av midlar er dette nummeret gitt på utbetalingsblanketten.

Kommunal- og regionaldepartementet ber om at følgjande opplysningar blir sende til postmottak@krd.dep.no:

- Stadfesting på at forprosjektet vert gjennomført
- Behov for eventuell førehandsutbetaling
- Kontonummer og oppmodingar om utbetalinger (sjå under "Utbetaling")
- Ved prosjektslutt: Sluttrapport og rekneskap i tråd med retningslinene over.

Kommunal- og regionaldepartementet ønskjer dykk lykke til med prosjektet.

Med helsing

God Sliving
Gerd Slinning e.f.
avdelingsdirektør

Kari R. Theting
Kari R. Theting
rådgjevar

Vedlegg:
Rettleiar i lokal samfunnsutvikling

Kopi til:
Distriktsenteret - Kompetansesenter for distriktsutvikling
Møre og Romsdal fylkeskommune
Plan- og administrasjonsavdelingen
Riksrevisjonen
Sykkylven kommune